

均役事目追議

海稅

魚稅

藿稅

鹽稅

高麗鹽法論

船稅

總論

戰船使用議

經世遺表
十四

經世遺表卷之



經世遺表卷之



均役事目追議○海稅

我國三面濱海而魚鹽之利盡歸私門國家一無所賴肅廟末年命別設一司句管一國魚鹽節目既成而竟未果行今因均役特命施行命罷諸宮家折受庚午秋分遣使者各定稅額乾隆十五年諸道魚鹽船利有厚薄俗亦不同兼以幹事者所見各殊事例互相不同今欲律以一例必有生弊之端故一從各道均稅使者及道臣所定略加櫟括作為定式○臣謹按魚鹽船稅自古有之



合於天理。協於人情。非聖朝之所創行也。周禮澤虞。

守其財物。以時入之于王府。魚獸之屬月令云。孟冬命。

水虞漁師。收池澤之賦。即魚春秋傳。澤有舟鮫之守。舟

船鮫海有鹽蜃之守。昭二漢有水衡。以平池澤之賦。亦

有海丞。以主海稅。果丞主故淮南子稱。佃漁重稅。而至

宣帝時。耿壽昌增海租三倍。晉書云甘卓下至唐宋咸

有魚稅。見於詩文。則魚稅自古有也。詳上先王之世。宅

於土中。五服環外。堯舜三王其國故鹽稅不見於周禮。

而鹽貢僅載於禹貢。誠以邦畿千里之內。本無海水。海

魚海鹽。非天子之所得征也。唯齊濱海。故齊語管子鹽。

爲大政見上自漢武以來官推鹽利至今不改其推利

則非而稅不可不征也周禮鄉遂之官算六畜車輦以

均民賦既算車輦不算船舶揆諸天理而不合絜諸人

情而不協亦以江淮渤海不在王畿之內故經文略之

耳齊國舟鮫之守委是古法漢武帝初算商船特在漢

爲初非有天地以來初算之也唐宋以來船稅益密散

見諸文見上由是觀之魚鹽船稅名正而言順理直而

義中天官地官之臣平賦中邦可以永有辭於天下後

世也唯自羅麗之並人文未闢法制未具水稅海租咸

歸私門或屬諸宮戚里或屬諸司或本縣私食其稅或

土豪霸占其地亂雜橫恣靡有紀極若使舜禹見之不待良役之爲厲民而立經陳紀久矣惜乎均役之臣意在得財而不在于平賦計在補缺而不在于立法執諸路雜亂之謬例著爲王法衆穗參差而一不剪斷羣枉交加而一不削平苟且紕繆不足以垂範後世豈不嗟哉八方風氣之不同者謂中國耳地之相距或至萬里順俗從空聖人黽勉今南自康津北抵慶興極不過三千餘里除此二方則風俗大約相近律以一例有何不可誠若不可則其稅錢之數悉依舊例唯其分等之法並有恆率不亦可乎假如立法先設九等

或設十八等或設二十七等

乃取諸路所錄視其高下隨其相近齒于某等本冒輕者齒于

下等本冒重者齒于高等則猶之法制森整不如是之錯亂矣

魚稅本文已俚今櫟枯為文

沿海捉魚厥有四名一曰漁筭本作箭二曰漁隧本作條三曰

漁場都會處四曰漁鰲本作基列植竹木左右成櫛盡頭密

柵俗名曰以受窮魚者謂之漁筭魚隊遠來輻湊有路

要路立船設網獲魚者謂之漁隧故本名一條路廣洋之

中魚族所聚大小漁船逐水設網者謂之漁場聚會謂之場

地勢便好宜於捉魚宗船左右眾船為翼者謂之漁鰲

以其好基址視其立船多少獲利厚薄以定稅率

京畿○仁川有小筭三處異於海西之土筭自前收稅故
今亦從略定稅○江華燕子津漁磯七處喬桐黍島漁
磯一處南陽茁朴嶼漁磯一處此等地方皆自備漁具
募民漁採以修軍器故免稅○臣謹按京畿沿海郡縣
十餘邑也昵近王城漁利極厚今此稅案一無條列
意皆諸宮諸司之所管故當時不能收奪然王者立法
須有大籍雖許免稅宜有紀載並其名而泯沒恐不可
也○漁磯之名又在筭隧場鯨四者之外亦非制也如
無所當宜列爲五不可散落如此

海西○黃海道土筭

本名曰土箭

竹麻爲攤所捉不過鰕蟹其

利甚些故不定稅率京畿亦用此例○臣謹按黃海道
者三面環海之地依山七邑之外無非海沿白川延安
海州瓮津昵近王京一帆之風船泊龍山黃州鳳山
安岳長連昵近平壤千石之魚販于外城其漁利之厚
遠過南徼而一筭一鰲不編於王籍抑何故也延平之
海石首之雷礮礮轟轟聲到京城則萬人仰口思食躋
魚俗名曰石魚今乃曰土筭所捉不過鰕蟹不亦誣乎既
王者立法成賦中邦而倖門未杜腴土盡漏唯下戶細
民是制是抑嗚呼惜哉

湖西○湖右漁筭青魚石魚其利最厚

青魚即碧魚非中國之所謂青魚

鮳魚雜魚其利次之

鮳魚多鯁俗謂之真魚

今分為十等一等稅

錢四十兩

一本云別

或三十兩

視利之厚薄

二等二十五兩或

二十兩

二本云別

三等十八兩

一本云厚

四等十七兩

本云二

等五等十六兩

本云厚

六等十五兩

本云厚

七等十四

兩

一本云薄

八等十二兩

本云薄

九等九兩

本云薄

十等

五兩

本云薄

邊地小筭其稅三兩

○

臣謹按湖西之稅

其鹽稅分為八等膏者四等瘠者四等其漁稅分為八

等厚者四等薄者四等蓋一手之所出也自古分等未

有此例八等之外上置別二等下置邊一等其所謂別

二等收錢則為四等煩亂不齊磊砢不安如是而未有

能平物情者也。又凡差等之法，上闊而下促，誠以利厚財鉅者，其兩等相距之間，空闊利薄貨小者，其兩等相距之間，錙銖是爭，不得不短促也。今也，厚者四等差以一兩，薄者四等差以三四，仰又何義？其亂雜無理，如呂不韋律呂之數，當時立法之初，其民情之不能稱平，必矣。今已歲久，必以差等亂雜之故，百弊紛興，惜乎其遠莫得聞也。

湖西之漁場、漁隧、漁艚

本文云漁場
漁條漁基

其稅四等：大船八

兩，中船六兩，小船四兩，么船二兩

么船本云
小船

○臣謹按

漁稅者，漁地之水稅，非船稅也。然以船之大小差其稅

率儼一船稅愚民之惑無以解矣臣謂稅案宜正其名
假如大船載魚萬斤中船八千斤小船六千斤則揭例
以示之曰每魚萬斤稅錢十兩而船之大小附魚以分
則自然大船納十兩中船納八兩而船稅漁稅不相混
亂庶可以小解民惑矣

湖西索罟之利

方言曰
注朴

不如漁筴其稅從輕大者五兩

次者三兩小者一兩○按索罟者潮進而施罟潮退而
捕魚者也

湖南○湖南漁筴分為三等

筴本箭

櫛長六百把下至三百

把

東語兩臂引伸其
一度謂之一把

枉甬水淺二丈者為大筴

櫛本文
作簾

櫛長二百把以上秬簫水潑一丈者爲中筭

秬簫卽櫛密柵

長八十把以上秬簫水潑半丈者爲小筭三等之筭又

以利之厚薄細剖爲九等○櫛長十餘把亦無秬簫者

謂之么筭

本云小箭

○古羣山稅率最高蜩島次之靈光

扶安萬頃次之茂長興德古阜沃溝又次之光陽順天

樂安寶城興陽康津又次之長興靈巖海南珍島務安

羅州咸平又次之○

臣謹按當時定稅悉遵本邑之舊

例非察諸地之實情不然何若是其不公也羣山蜩島

誠爲漁筭之大都會置之首等可也其餘諸邑別無差

等又何必歷歷分等乎羅州靈巖通賈最廣而入於末

第餘可知也

凡郡縣分等毋論災傷徭役皆因其時守令有勢無勢及智愚誠偽各欲利其所甚

故難得其實情

大抵一王之法貴在均齊所謂咸則三壤成賦

中邦也諸路稅率或一槩以平之或細剖以差之敲仄亂雜一至如此苟且因循冀無怨言豈不嗟哉物之盛衰時月以變必欲細察反爲大誤者多矣臣久居海上魚筭之事知之詳矣古之殷盛今猝蕭索古之孤寒今乃繁富推移變幻不可執定今必刻舟以求劍守株以索免其於情遠矣臣謂漁稅正其大率不設雕鏤之巧則王法成而民賦平矣

秋後設筭者所獲不及於春夏大筭三兩中筭二兩小

筭一兩○臣謹按春夏之筭不記錢率唯秋筭詳之又
何故也船稅忽拔涇西鹽稅忽略嶺南漁筭之稅湖南
忽去錢率編書如此何以爲法令觀原編都是牽架彌
縫之法誠可恨也

漁隧分爲三等一從舊例參酌定稅

本文云
漁條

○臣謹按

一從舊例則應以舊例著於編中所謂舊例散在郡邑
於何考矣不著錢率欲平民賦亦難矣

漁場立船之數法聖浦準五十九隻每一隻其稅二十
二兩蜃島準九十隻每一隻其稅二十兩餘倣此立船
有多少則稅額有加減○臣謹按立船多少不唯京司

遠莫能察卽法聖僉使蜆島僉使亦無由詳知此事空

約定船數

如所云法聖浦六
十隻蜆島九十隻

以立稅率既定既立遂爲

恒法年年無改永久不動乃令本地僉使擇於諸船立

一甲首

如所云都
船主類

使之均稅假如法聖浦六十隻每隻

錢二十二兩則厥錢一千三百二十兩也一千三百二

十兩立之爲恒率若有一年船集衰少不過爲五十五

隻

稅本額五
隻不與

則船甲增率每一隻收稅錢二十四兩

視本

率二兩
有增

以克本額

五十五隻每隻收二十四兩
亦其錢爲一千三百二十兩

○若有

一年船集稠盛多至爲六十五隻

視本額五
隻加多

則船甲減

率每一隻收稅錢二十兩三錢一分

視本率
有減

以克本額

六十五隻每隻收二十兩三錢一分則亦其錢餘皆倣
為一千三百二十兩所贖者一錢五分而已

此而諸路漁場咸用此法則民志大定而國入有恆
不亦善乎此法有濊中情理者凡船集衰少則魚貴而
利厚雖增二兩商人無怨矣船集稠盛則魚賤而利薄
雖減二兩商人非倖矣豈不濊中於情理乎或曰船集
既少魚亦無利將若之何臣以為物之貴賤係乎多少
船既少矣魚必不賤若魚更多則專其利何得無利乎
唯計船出率不可委任於船甲宜令該地僉使照管出
率而郡守監司別行廉問俾無奸弊可矣

為一千三百二十兩而今之集者幾隻則本知稅額恒
每隻之當收幾兩各自明認不可罔也若如原編之

法則吏校入海搜括船隻討賂索例民力先竭既算既收竊而私之百隻之船只錄數十年年減額勢如下山民膏徒涸國入日蹙即必然之理也今法聖帽島之稅果有名無實卽制法未善之故也可勝歎哉

漁鯨之稅

本文云漁基

帽島之食島前洋其宗船稅錢一百

兩

最據要地者

左右各一隻爲第二等又各一隻爲第三等

又各一隻爲第四等皆遞減十兩

二等九十兩四等七十兩

又各一

隻爲第五等又各一隻爲第六等遞減十五兩

五等十五兩

六等四

第七等各一隻亦稅四十兩○帽島之大豬項

以十四隻爲準每一隻其稅四十兩亦從立船實數加

減其稅○臣謹按漁鯨之利雖厚一船百兩之稅似乎

太重左右各七船之外遂無一船亦未可知立法似疏

略矣且念計船立稅終有疊稅之嫌法曰鯨地其要地

之稅百兩要地左右遞減其率宜矣本稱漁基亦所以避船名也

嶺南○海之漁場有吞魚場吞俗字也本名大口魚青魚場小青魚文

魚場章舉江水之口大眾打魚者亦稱漁場方言揮○

漁隧亦有吞魚隧青魚隧雜魚隧本作條漁筴亦有吞魚

筴青魚筴雜魚筴本作簾在海曰箭江水之中亦有漁筴

取江○總之漁場有起無廢而漁隧漁筴時起時陳雖

步步相踵皆稱漁地而其實時起不過千百之一每式

年稅案漁隧漁筭開列第次註其陳起以著其實稅之

數○舊例漁隧漁筭立船曰隧設柵曰筭捉吞魚青魚者機張縣

五分稅一東萊府八分稅一統制營三分稅一右沿海稅本屬

於稅輕重不均今從其中者五分稅一○臣謹按五分

稅一之說臣所未曉漁隧立船五十隻唯十隻收稅漁

地設筭五十處唯十處收稅是之謂五分稅一乎抑機

張之隧得魚五千斤取千斤東萊之筭得錢五千兩取

千兩是之謂五分稅一乎由前則與湖西湖南之例絕

不相同由後則得魚得錢之多少非守令之所能察作

法之初若是朦朧其何以經久而不圯哉

漁場之稅一依舊式以定其額興海延日長馨蔚山青

魚場毋論土船客船

船本文云地土他邑船

大船小船凡眾船本云

揮羅

一隻其稅二十兩細網船一隻其稅六兩○晉州

泗川文魚場毋論土船客船大船小船其稅二兩○昌

原江魚場舊例隨捉隨稅本無定額今亦以五分一立

率○臣謹按沿海郡縣無不捕魚而數邑之外不少槩

見江口捕魚無邑不然而昌原之外並無所論金海亦不錄

意者當時或本隸於兵水諸營或聊賴於弱小諸邑故

不能盡奪姑爲是便宜也然王者立法不宜若是其破

碎缺落宜以沿海之地一隧一筭咸隸王籍平其賦

稅與諸路較若畫一無有一竇或敢傍穿於是就一省之稅總數之中派給諸營諸邑曰統制營一千兩左水營八百兩東萊府七百兩金海府五百兩漆原縣三百兩以其餘錢納于京司不亦可乎立法苟且常若愧怍無成則三壤成賦中邦底氣象可勝歎哉

總論云漁隧漁筭五分稅一者勿置色吏但置監官其漁地相近者一人兼察二三處或四五處每日視所捉多寡時估貴賤書消息三件一件上本官一件留本所一件給船主逐日粘連待漁事出場合算通計五分稅一書填掌標出給船主必自監營句檢或摘奸或廉察

如有漏誤依律重勘○臣謹按當時均稅之臣何若是不曉事也一年之中漁地之孰興孰廢漁船之孰多孰少尚不能盡察况逐日所提縣官何以察之臣謫居海上時与書生乘小牒親往漁筭要買大魚魚商忌之与船子勿奸雖身至衽簫目自看水潮退乘舟至衽簫取魚者名之曰看水所獲皆瑣小雜魚而已悵然而反以語土人土人笑曰漁人有遁甲藏魚之法雖親乘其船不能覺也或繫之船尾以待客散或繫於簫柱以待商販不可知也如此之事縣官何以察之且看水之法潮退在於一時船入在於一時監官兼掌數處何以察之且監官何人既受

子產之欺又無公儀之廉則監守自盜理所必然漁人
上應公稅下酬私債猶懼不給況於其間賸事一官朝
夕承奉則漁地所獲皆監官之日餽而上之所稅下所
自領皆波及之餘民復有業魚者乎均役初設之初民
口喧騰皆此等律令有以名之耳法旣極謬不能久行
今沿海漁地未聞有此法

事目云漁稅舊屬本官今旣盡罷其漁場點船之稅及
隧筭五一之稅上納中除十分之一以贍本官○臣謹
按嶺南漁稅彫弊最甚徵里徵族勒充元額蓋以五一
之稅不成法制猾監剝割民不趨業故漁者日衰稅者

日虐以百應千以十應百以至此耳若使立法之初少
加商量豈有是哉上納未充追捕四出縣令亦何以索
其什一哉

事目云吞魚青魚其隧筭之陳廢者舊例自統營聽民
自首酌定稅額謂之私受今依舊定稅七兩○吞魚青
魚之時漁船不入漁場不入漁隧只在大洋中捉魚者

舊謂之去處條今定稅六兩此船或入於他處漁場漁

收洋中風船本文云其利甚大今定稅二十兩此船或

處漁場該地方依例收稅者○臣謹按田農者土著之事也禾

苗明有指望官長可以目察然猶自古以來稅有定率

天字田幾負地字田幾束載之鐵籍永不加減况碧海
青天隨風逐潮倏來忽去聲空跡滅者顧何以執之察
之如數掌紋哉漁之爲事或獲利如丘山或狼狽爲虛
空今年西灣之筭大獲明年東浦之隧忽旺必欲細察
而中於理則奸吏猾校居中舞弄而漁者魚駭獸竄稅
者狼貪虎暴業者自沮於風聲之外而魚鮓日貴生民
之嗜好不充於是乎怨詛勿興而制法者受罵矣可不
懼哉臣每讀蘇軾魚蠻子詩竊爲桑大夫悲之也臣伏
惟均役之法凡大小船隻咸受掌標歲終而納另受新
標不獨船隻爲是也凡漁筭立柵者咸受掌標其無掌

甲首注

標者其罰與船法同。漁隧漁艚莫不皆然。法未嘗不密也。唯其稅率太高。查括太酷。故奸吏頑校得以居中而剝割。此所以漁者日衰而漁地日廢也。今若使稅率至輕。以爲椿額。乃於漁人之中差出甲首。或一場一人。或數場一人。使之視船多少。上下其率。法見上但克原額。毋闕時利。不問今年之利害則其無票驗者。伊等自相摘發。如京城市人。亂厪摘發之法。而瓜皮革履。必無以匿其形跡矣。然後下情活潑。上入牢固。而無衰惡日頽之患矣。今差猾監數十百人。佩牌四出。日以消息之牒報于縣官。民何以措其手足哉。私受之名。不如票驗。况茫茫碧海。

之中去處條之多少有無縣官何以知之而輒出其稅率哉行不得之政也

雜魚之隧其利不多雜魚之筭其利至些

數丈之簾施於浦邊潮退

則成陸謂之乾筭

江魚之筭功多而利少其本稅皆薄今分爲

三等每等又各分九等○上一等其稅九十兩每等遞

減十兩下至九等其稅十兩○中二等其稅九兩每等

遞減一兩下至九等其稅一兩○下一等其稅九錢十

文每等遞減一錢下至九等其稅一錢○臣謹案其利

至些者皆指下九等而言之也一隧之稅多至八九十兩

一筭之稅多至七八十兩豈輕稅乎此條木可詳也然其

差等之法至精至齊端妙莊嚴有足以該衆情而平庶

品當以此法通行諸路爲凡平賦之楷式也

臣昔作邦賦議其戶

口之役分等如此古人其先獲之

但所謂下等十錢廿錢瑣瑣零零不

足以自達於王賦如此之類宜附於近地筭隧之列於

上中之等者使自收斂以補其稅

如古附庸之相屬

其附屬多

者升爲高級庶乎事面不苟也

青魚之漁毋論隧筭始於冬間訖于春初雖在春初其

所頒掌標亦以去冬書填魚商掌標亦同○臣謹按此

諸路之通例

凡網船於此地了當漁事旣受掌標又往彼處漁場捉

魚者又自該地方依例收稅○若興海延日長畧地界相接凡漁者雖互相往來毋得疊稅○凡漁地漁船掌標一依土船商船掌標例歲終還納本官監封上送○凡客船其掌標受之於漁池還納於船地本船隸之本邑○臣謹案此數條皆諸路之通例

統制營左水營

即東萊水營

右魚青魚本有貢額統營漁隧

四處漁筭三處水營漁隧一處畫給本營並免稅○統營是海路第一關防舊例海稅全屬是營今以本道稅錢一萬兩每年除留本營以贍軍資○臣謹按一萬兩除留之法固善矣其以漁隧漁筭數處畫給二營者必

有弊端

本營專護所屬其餘漁地必受害

恐不便也

凡漁事各各其時雜魚則春夏其時也文魚江魚則秋其時也吞魚青魚則冬其時也若其稅錢則一年所斂並於翌年三四月与船鹽諸稅同時上納○青魚之漁雖拖至春初亦以上年條施行○臣謹按此亦諸路之通例

江原道咸鏡道平安道

事目無所論

○臣謹按三道漁稅設令

不納於本廳均役事目空各提論都無一言之偶及豈制法之體乎意皆悉依舊例屬之諸營諸邑然一王之法空畫一爲法無小參差使各欽遵今以不納本廳

之故而任其荒亂莫之揅理示天下不廣惜哉

嘉慶戊午

御製策問湖南儒生

正嘉十二年

其均稅之節

曰凡歛稅額並屬均廳蓋為杜私門而抑海征也令下之初浦民鼓舞不出十年稅日益蹙民日益瘁設筵宴說七山立船輒數蜩島而此已十減五六他又何論營間之貿用難保守法比總之美意莫副名實量船之規多準七把以上本道之法乃以六把為準則船制之長短自如把數之贏縮隨時場基不免拋棄而尚載錄案基者網稅末嘗折補而多歸尾閭非唯海夫懷怨抑亦陸民稱苦市少魚鮮則曰均役之故井少鹽烟則曰均

役之致以至物價刁騰民產艱乏莫不歸咎於均稅將
何法而蘇救之○臣謹按營閫未嘗不買用唯所謂比
總之法未可恃也比總謂均役之初京司上納為幾千兩其後視此為準京司所
納胥比總本縣之收而有比總乎么筭執之為中筭么
船錄之為中船廢棄已久而稅案未削易主已屢而徵
督依舊豈僅比總而止哉古人云不見其形願察其影
今沿邑均役之吏皆以百兩之賂圖差於首吏此賂名曰風債
不食千兩何賂百兩海稅監官亦復如此其剝割之無
厭隱匿之不些居可知矣必於漁人之中差出甲首使
自均敷而官以時察之然後斯病小蘇矣

延日縣監鄭晚錫上疏曰均役之後海稅煩重魚產漸
縮而其利以衰漁戶漸散而其稅無減洋中却移輒
有徵海口古筭廢亦不免年久破碎之船咸被鄰族之
徵貲茲本縣凡人与船之俱亡而里徵族徵者至於十
九隻之多餘可知矣昔年百夫之納前年責于十人前
年十夫之納今年責于一人其堪之乎夫廢筭破船
之不得免稅者不唯均廳之徵代亦由營屬之索賂臣取
見均廳節目云苟無章標不得往來濫免倖漏自應無慮
凡破者造者勿爲磨勘只今付標以除勘債之弊已上節
目文
今破廢開錄及間年改案之際營屬之索賂無厭豈不頑

奚但洋中
去處而已

哉無票之船不得往來均廳既知之矣既知其然而猶疑不破不可也明知其破而猶靳許免尤不可也夫存亡盛衰物之理也常存不亡纔毀卽成誠所未易廢筭破船豈可恆責其立代乎至於洋中_{去處}之疊徵其稅者此不過該邑吏校之所爲責在守臣不足以煩朝廷也○按今日沿邊海稅之弊誠如此疏所論然京司上營之失論之頗詳而縣吏作奸太疏畧矣無票之船雖難出洋与吏勿奸何所不能按通文館志我之漂民到倭浙等處彼人專索票驗供云失之風波者間或胥之夫掌票爲物藏于船箱船旣不破自無可失之理由是

通暢
礙論

第一妙方

觀之無票之船未嘗不出洋也。此等漂人回到空何均
放况漁筭無票而捕魚者星羅棋置無不輸稅於縣吏。役聽考其船案不空徑
曾中見之京司之各於許免豈可咎乎廢筭破船非曰
無之漏筭隱船胡不發矣陳田汰田非不綿互而漏田
隱田未嘗無也黃口白骨非不煩冤而剩額疊額未嘗
無也。軍布或至額五六丁船与筭何以異是况碧海青天
曰隧曰艚者即河伯望洋百竊秘怪將何以知其實矣
察之有道每當差任之時其均役一窠吏屬避之乎抑
爭之乎若猶爭之其奸可闕也如果避之即弊瘼可議
也洋中去处空反三隅何但京司各咎哉

魚稅表

一等 二等 三等 四等 五等 六等 七等 八等 九等

大筭

四兩 三兩 三兩 二兩 二兩 二兩 二兩 一兩 十兩

小筭

九兩 八兩 七兩 六兩 五兩 四兩 三兩 二兩 一兩

大隧

九十兩 八十兩 七十兩 六十兩 五十兩 四十兩 三十兩 二十兩 十兩

小隧

九兩 八兩 七兩 六兩 五兩 四兩 三兩 二兩 一兩

么隧筭

九錢 八錢 三錢

魚場

二兩 二兩 十兩 十兩 十二兩 九兩 六兩 四兩 二兩

魚鰯

九十兩 八十兩 七十兩 六十兩 五十兩 四十兩 三十兩 二十兩 十兩

魚磯

九兩 八兩 七兩 六兩 五兩 四兩 三兩 二兩 一兩

藿田

九十兩 八十兩 七十兩 六十兩 五十兩 四十兩 三十兩 二十兩 十兩

右魚稅表一首臣所作也其例取諸路所定魚稅之額

以諸路中最高之數立之為第一等以最少之數限之

為第九等於是取其中經之數平數差次列之為二三

四五六七八等其中經之數不可平數者於是取諸路

稅額齒之于諸等其或本數參差不合者以其所近上

附下附近於上者增之為上等近於下者減之魚鰲之稅

最高者百兩終似太重故以九十兩為一等○每郡縣

作稅案必云一等筭幾処五等筭幾処六等筭幾処必不

備九乃列地名戶主即小名隧与場鰲皆倣此隨其所

有不必備等

藿稅 方言海帶謂之藿

湖南○湖南之藿田苔田或起或廢不可以幾把幾束定

其稅額姑從舊稅斟酌裁減○臣謹按藿者海帶也方

曰麻苔者海苔也或稱甘藿甘苔而苔又多種有紫苔

俗名曰海衣青苔小異大同者五六種也○湖南藿田

之稅錢貫之數不見事目今不可詳然一丸之島圍不

過百餘步者私家收稅或徵二三百兩一拳之石徑不

過十餘武者私家買賣或至二三百兩羅州外洋黑山

島紅衣島可佳島太師島在國之珍島外洋滿載島發

梅島胡骨島東荒島西荒島方言荒謂靈巖外洋楸子

島等地皆產海藿其小小屬島如丸如拳者不可勝數而事目闊略如此未敢知也○濟州亦產海藿半國仰哺然濟州魚鹽之稅仍於本州留用無收納也

嶺南○嶺南藿田自有一定之地與船隻鹽盆之時有成

毀者不同今斟酌定稅○海藿以五十條爲一束五十

束爲一同二千五百條每一同折錢七兩有半○蔚山甘藿

其味甚佳厥價縣絕每一同折錢十兩○臣謹按海帶

爲物託根於巖石之罅展葉於海水之底猗儺牽風脆

嫩易折若於夏秋之交其葉盡舒刈晒及時則藿事稱

旺若于此時盲風怪雨不時發作則風濤激石嫩葉都

碎雨潦彌日○蒸鬱未宣○海藿於是乎失稔矣○故其稔其
歉○漁者難欺○陸居之人○當其時也○坐觀風日○逆知其貴
賤○藿田之情○如斯而已○今乃曰○湖南之藿○其田或起或
廢○嶺南之藿○其田一定不易可乎○藿根著石○振古不死
或起或廢○有是理乎○當時湖南均稅之臣○其見瞞於小
吏矣○又按○一同折錢七兩有半○則二十五條七文有
半也○東海之藿○雖時價至賤○一條三錢○未或有減○地在本
此折錢如此○亦見瞞於小吏矣○公輸之物○雖合從涼民
出之力○不必浪消○亦恐太近於無義也○

關東○通川以南三陟以北○其產藿之田○本無私主○亦無

官守人得而採之故舊例營邑收稅皆於商船今若創

出官守則小民失業照舊徵船則船人疊稅

既納船今稅故

令沿海諸津其掌津者與民偕作及時刈取通同分排

以克稅額

○蔚珍平海舊有官守

有田直又有監考

以收藿稅

今亦以藿田定稅每藿一同

束五十

折錢四兩四錢

○臣

謹按津夫雖賤恆掌是任必有奸也

既照舊例確定稅

額使民咸知厥數

甲田三十兩乙田二十兩

每於採藿之日令諸商

會議以其曹類公薦一人

使為甲首

每田置一人來受附近者兼察

官帖退行其職通同分排以充原額則或勝於津夫之

恆掌矣諸路漁地之稅皆當用此法○又按舊無官守

刺骨語

者未嘗非王土也。舊有官守者未嘗禁民採也。一海之沿咫尺相望而彼冒薄稅似若非王土。此仍擅利似若置私藏。豈王者平賦之政乎？臣謂蔚珍平海亦撤其官守。許民私採。如三陟通川之例。則法制均一矣。惜此小損終不肯畫一爲法。豈不苟哉？湖南嶺南之藿都被土豪之霸占而不能收之爲公物。區區二邑之藿孤擅其利。將何補哉？

關北○原書無所論○臣謹按北道昆布者天下之珍異也。昆布之小者方爾雅云綸似綸組似組東海有之。卽此物也。唐書渤海傳沃州之縣南海之昆布錄之爲奇。

貨我邦三面環海而此物唯產於咸興之海其味絕佳
一國仰哺而原書都不提舉未可知也

鹽稅

京畿○鹽盆之稅舊例每一土釜收鹽有差下自一石上至四石今亦依此立稅而以錢代徵每鹽一石或徵一兩五錢或徵一兩二錢五分並計雜費多少上下其稅○臣謹案名之曰法豈有如是者乎事苟非也勿爲可也事苟是也君子仰不愧天俯不忤人居天下之廣居行天下之大道民有胥動浮言以亂法令者臨之以威武繩之以刑律令毋敢動不亦可乎今也惴惴栗栗唯恐變生唯是列邑之舊例是遵是依毋敢小變豈理也哉平之以槩則本重者有減本輕者有增減失吾財增

有民怨故仍舊貫云耳然一王之法不可如是乎之以
槩則數月嘯叨一年而定十年而無惑百季而無思天
成鐵鑄認爲當然因而依之則數月安穩久而生疑曰
某邑何獨厚乎吾土何偏重乎既亂既雜吏緣爲奸斂
於下者日增而日重輸於公者日減而日衰此必然之
理也制法之初豈可如是乎

南陽之鹽不以釜計唯以漚坎之大小分爲四等作坎本

大坎稅錢四兩中坎二兩小坎一兩么坎六錢作小坎本

井廣州之鹽坎無分等每坎稅錢皆二兩○按所云鹽

井者漚坎也蜀有鹽井是煮井泉將煮鹽先作土坎以

貯鹵水斯其所謂井也吏胥鹵莽以坎爲井不可因也

○臣謹按南陽廣州之海其地相接其貯鹵以煮鹽無

以異也彼分四等此用一率豈王者拱而觀者耶爲

王者制法宜念王者之體貌一任吏胥之舊例唯恐

翻動以生事豈不惑哉堂堂一王之國議定魚鹽之稅

其吞聲忍氣如此斯何故也

三都及永宗堡其待變豉醬之鹽不可不給鹽稅錢上

納之中許各計除江華廣州各除七十石每石折錢一兩二錢

實八十開城永宗各除五十石每石折錢一兩二錢實六十兩臣謹

按鹽價折錢誠以一兩二錢爲中則前定稅錢或徵一

兩五錢或徵一兩二錢五分又何故也徵於民則無定
算播於用則有恆率徵於民則從高價播於用則從輕
估皆苟且煩亂非制法之宜也

海西○海西之鹽不以盆計不以坎計唯以鹽場之美惡

功少而得多者其場美柴場之遠近近者兩弦煮鹽殆
功多而得少者其場惡柴場之遠近近者兩弦煮鹽殆

過三四分為四等大盆其稅錢十六兩中盆十二兩小

盆八兩夾盆四兩旁有一小盆者謂之夾盆又○信川白

翎小盆十九處稅之以夾盆各徵四兩柴場既遠且有
唐船追捕之役

其業○臣謹按鹽場之有美惡柴場之有遠近不獨海

西然也人功之有難易得鹽之有多少不獨海西然也

制法者宜
惺惺憶
觀此一段

諸路槩之以盆數。海西細察其情理，豈一視之政哉？柴場有盛有衰，鹽鋪在近則蒼鬱之山，未幾童濯，一定其稅亦難矣。總之田稅分等，宜視穀出之多少；種一得百，則稅率宜高也。俗種一斗得百斗鹽稅分等，宜視鹽出之多少。兩弦百石，則稅率宜高也。作十五斗既立高等，以次遞減，分之爲九等，輔之以別例，斯其法乃中於情理矣。土性之肥瘠，柴路之遠近，盆坎之大小，其歸鹽出之多少也。孰其歸而辨其等，不亦可乎？

湖西○湖西之鹽不計鹽盆之大小，唯視鹽田之膏瘠。膏而廣則其利厚，瘠而狹則其利薄，故分爲八等。○膏田

一等其稅十兩二等九兩三等八兩四等七兩○瘠田
一等其稅六兩有半二等六兩三等五兩有半四等四
兩○臣謹按鹽田膏瘠之別異乎五穀之田○沙細而膩
土鹹而堅○涵不下滲者名之曰膏田○沙理麤疏土性淡
酥○涵不下滲者名之曰瘠田○天下之擇鹽地者其論皆
同○不獨湖西之鹽所求如是也○何況地廣則利厚地狹
則利薄○此又稼穡之所同○然不唯湖西之鹽其理如是
也○今茲所論有若湖西之鹽別有奇性故其稅別用特
例○不亦疎乎○當時均稅之臣分出諸路諸路舊行之例
有此有彼○遵之唯謹○說之各殊○其實八路鹽盆皆地欲

其廣。田欲其膏。柴欲其近。坎欲其淺。盆欲其大。弦欲其
無雨。煮欲其多得。如其所欲者。其稅宜重。違其所欲者
其稅宜輕。西沿則視其盆坎。而不問其土性。南沿則視
其土品。而不問其盆坎。有是理乎。由是觀之。其分等定
稅之法。雜亂。敬側。不能爲畫一之法。審矣。雖八方風氣
不可齊一。而無故錯出。不必如是。況接壤連烟之地乎。
○又按地。膏瘠。列爲八等。則入於高等者。自知爲膏
地。入於卑等者。自知爲瘠地。今乃以膏地瘠地。截爲兩
段。各爲一種。斯豈分等之法乎。○又按分等之法。或分
三等。或分九等。以其兩端之間。必有中位也。或分七等。

上下各三而中處其一可也。或分五等上下各一而中處其三可也。吾東之法必分之以四等六等八等十等。斯亦稽古而不合者也。

湖南○湖南之鹽有土盆鐵盆其圍七抱者為大釜

抱本作把

今正

四抱者為中釜二抱有半者為小釜摠有三等又

各細剖差為九等土厚柴賤漁場市場便近者為一等其次為二等差而下之以至九等○臣謹按七抱者為大釜四抱者為中釜則六抱為大二等五抱為大三等餘可推知。三抱有半及三又以土之厚薄柴之貴賤漁市之遠近差其等級上下其錢盆之大小以為本領而

餘皆參伍者也。諸路鹽稅之中，唯湖南之法，備觀諸情。

最似精密，唯其分等之術，未有一定之例。當事者感焉。

○今隴枳為法，則宜以盆為主，而四觀各分三等盆之。

大小分三等，為七把。以下為上，釜五把，以下釜土之臧瘠分。

三等，曰上上、中、柴之貴賤分三等。為上，以賤者利之厚薄分。

三等，以漁場市場為上，於是四觀皆上者為一等。柴大土臧，利厚。

三上一中者為二等。盆大而二，二上一二中者為三等。盆大。

而一上一上三中者為四等。者亦為四等。下一四中者為。

中等。者亦為五等。下一三中一下者為六等。中者亦六等。

二中二下者為七等。盆小而二，一中三下者為八等。盆小。

而一中四下者為九等

盆小土瘠柴貴利薄

則庶其分等有所憑

據不致惑亂今唯蓋等有三角其餘無等臣恐當事者

不知所以裁之也

既上論其以蓋為本則与原法同然既名大盆則七抱五抱同在上等七

抱或可為三等五抱或可為一等是其異也

今取湖南鹽法為從橫表如左

大 一 等 二 等 三 等 中 等 二 等 三 等 小 一 等 二 等 三 等

羅州靈光古阜扶安沃溝茂長順天

三三兩 三三兩 十八兩 十六兩 十四兩 十二兩 十兩 八兩 六兩

靈巖 光陽

二十兩 十八兩 十六兩 十四兩 十二兩 十兩 八兩 六兩 四兩

康津長興樂安寶藏興陽萬頃臨陂

十六兩 十六兩 十四兩 十二兩 十兩 八兩 六兩半 五兩 三兩半

海南 珍島 咸平

十五兩 十三兩 十一兩 九兩 七兩 六兩 五兩 四兩 三兩

右九等之外又有么釜本名小凡么釜之稅一路同徵

一兩無加減也

臣謹按諸路鹽法之中湖南獨分九等最似中理均稅使似

是李塿蓋以盆之大小分之為九等而土之賦瘠柴之貴

賤利之厚薄即所以上下其稅故同是一等而有徵二

十二兩者有徵二十兩者有徵十八兩者十五兩者是

其驗也臣謂諸路之鹽皆以四觀上下其等如上所論

三上中二而諸邑之鹽不必皆備九等如我邦田分

六等而諸邑之田不必皆備六等京畿只有五六南方

參有一二而稅率稱平不亦善乎今諸邑之鹽其等雖

同而其稅各殊非制也書曰庶土交正底慎財賦咸則
三壤成賦中邦鹽之有稅亦我中邦之賦也一王之制
空均於中邦今中邦之內法制萬殊吏緣爲奸官不知
方臣謂亟取湖南之鹽法隱桮矯正頒于八路俾有畫
一之制未可已也試作八路鹽稅表見下

嶺南○嶺南關東有土盆有鐵盆互相得失莫上莫下故
一例以槩之每一盆其稅錢六兩○本無鹽田而收拾

他盆之餘滓漬水煮鹽者名曰童盆

土盆鐵盆同

其利皆薄

故皆稅二兩○

臣

謹按南自可東東迤于蔚山長鬐北

至于歙谷其間水程殆二千里其間物情有萬不同一

例以槩之。冒之以六兩之率。抑何故也。關東地狹。容或可也。嶺南一大國也。有海有江。有山有野。富商大賈。充羨馳騁。忽於此地。若是闊略。豈不惑歟。豈嶺南之鹽。盆無大小。土無臙瘠。柴無貴賤。利無厚薄。其一等大盆。僅可以當湖南之九等小盆乎。何詳於湖南。而略於嶺南。若是其懸絕也。潢水出小白山。洛東西流至尚州。又折而南流。至咸安之北。與濫水合流。東南流至金海之東。乃入于海。其間水程四百餘里。尚州諸縣。東距寧平之海三四百里。山路極峻。雖輦輸擔負。而東海之鹽。無以波及。故潢水左右沿諸邑。皆食南徼之鹽。南徼之船。北

達于尚州西至于丹城蜀麻吳鹽雲委山積國中鹽利

莫嶺南若也卽鳴旨一島在金官海中歲煮鹽累千萬石遂

於洛東浦上在尚州別置鹽倉監司歲算千萬而海平古

縣歲致鹽萬石鹽利之甲於國中卽此可知湖南則一

盆之稅二十餘兩海西則一盆之稅十五六兩然而海

西湖南未聞有鹽倉亦未有鹽官嶺南則監司歲遣親

裨煮鹽于鳴旨販鹽于洛東以摧民利以厚私橐而國

入之稅最輕於諸路臣未知其何故也當時掌事之臣

非不欲均稅而嶺南按道之臣多方遮攔廣設礙障使

不得杜私以強公故其稅轡如是也豈不惜哉今國用

匱竭朝不慮夕而嶺南監司之俸甲於八路臣謂嶺南諸徵議置官鹽數十處如中國之法以其贏羨歸之度支凡私鹽之稅亦依湖南之法改定其律使鹽官收之則國用其有補矣○嶺南鹽利唯自統制營海中以至巨濟東萊蔚山之海諸浦諸島之鹽可輸潢水之口者其利甚雄若自長鬐以北東沿之鹽其利似薄空詳核以定其率也

關東○關東鹽稅皆如嶺南○臣謹按嶺東九邑地勢偏仄居民鮮少鹽利似薄嶺西諸邑雖亦仰鹽於嶺東而大嶺接天商旅艱行其鹽利未必厚也通稅六兩恐或

空然

關北○咸鏡道之鹽亦有土盆鐵盆土盆之稅通徵十兩

鐵盆之稅通徵六兩其半破者三兩○臣謹按嶺南關

東亦有鐵盆既有鐵盆應有破者他道之盆不察其破

北盆之破獨減其稅亦不公甚矣且北路諸沿有繁盛

都會之地咸如元山有荒寒寂寞之濱鹽利必有厚薄江與

陵等九邑其情不同通徵十兩亦恐不空

北邊清差鹽會寧開市日三甲人口鹽十五堡邊將月餽鹽

本宮禁火鹽咸興及永興合二百九十六石每石折錢一兩半鹽稅

上納中計減○文川鹽稅舊補民役許令折半上納折

半留用

關西○關西之鹽分爲五等大釜稅錢十兩中釜七兩小釜四兩幺釜二兩夾釜一兩○義州開市鹽清人例贈鹽諸邑諸鎮食鹽春秋合六百十七石三斗每石折錢一兩半鹽稅上納中計減○勅使迎接時餽鹽三十三石十斗六升亦折價會減

事目云鹽盆破毀及新設者告官摘奸枚報如船稅之例○詐稱陳廢及新起不卽告官者嚴刑○土盆告破者其鹽田陳廢然後免稅鐵盆告破者必片片破碎然後免稅○臣謹按條例雖如此○今八路鹽稅皆視其原總

均役

所納之原數

每年比總

視本額

故沿海均役之吏從中

作奸其新起之處雖土銚如盃咸冒稅額其破毀之地

雖蔓草生竈難除案錄不唯是也原總既溢而猶稱不

足則本率之外加斂於諸竈新竈始設而將出稅率則

下等之盆勒充於上等其或納賂而求媚者膏沃之田

亦歸卑級又或既斂而逋欠者吏食來年之稅先期催

督名之曰種種奸弊不可勝數而色色誅求又難以枚

舉矣廳例摘奸債磨勘債改案債巡營例錢京司例錢

其巧設名目徵於鹽戶者無日不至色吏之外又有監

官猾校浮客侵漁椎剝又不可名狀也須自朝廷每十

二年一遣均役。即暗行鹽戶。平其稅額。察其隱悲。修之
整之。然後國用不蹙。而民力得紓矣。○總之鹽法莫善
於均役。其視中國摧鹽之法。不啻清風洒六合矣。然常
平之政。王者所貴。鹽與五穀無以異也。劉晏制常平鹽
法。以贍國用。以紓民急。上下稱便。史冊稱善。當時官煮
而官粥之。猶云稱便。況民煮而官販之乎。鹽之方賤。不
異土壤。若於此時增價以糴之。則鹽戶沾惠。無破竈毀
盆之愁矣。鹽之方貴。有類珠玉。若於此時減價以糴之。
則編戶被德。無聞韶忘味之譏矣。鹽之將貴。必有豫兆。
老於鹽竈者。必先知之。豪商猾賈。乘時射利。民於其間。

困苦甚矣。空於大場之側。設置鹽倉。廣鋪煖炕。每於極
賤之日。增價買入。以待刁騰。或數年不遇。則每當雨潦。
多藝薪柴。另於鹽苞。皆插阜英。則無消融之損矣。或作
地窖。另築甕。甕油灰堅封戶竇。令外氣不通。則尤大善
矣。上可以賠補軍需。下可以經紀賑資。何害而不能爲
哉。若其條例節目。一有疏忽。則上損國體。下病民食。唯
監司守令。居中而餉其利。斯不如不爲也。

鹽稅表

一等 二等 三等 四等 五等 六等 七等 八等 九等

京畿

二十四兩 二十二兩 十兩 十五兩 十二兩 九兩 六兩 四兩 二兩

海西

六十兩 七十兩 六十兩 七十兩 八十兩

湖西

七十兩 九十兩 八十兩

湖南

四十兩 四十二兩 四十八兩 五十二兩 五十七兩 六十兩 七十兩 七十四兩 八十兩

嶺南

百兩 二百兩 三百兩

嶺東

七十兩 九十兩 八十兩

關北

八十兩 百兩 九十兩

關西

八十兩 八十兩 九十兩 百兩

右鹽稅表一首

臣

所作也其例取原編所載鹽稅之額

以其最高者爲一等以其最卑者爲九等於是取其中

緡之數平數而差次之爲二三四五六七八等因其數

不適故上闊而下促

下三等差之以二

湖南獨備九等者因原

編也

一兩增

海西猶有四等五等者因原編也餘路皆

無高等者因原編也必原編是因者非謂原編所定悉

合情理也謂中邦平賦之法本當如是若原編所定果

合情理則平賦制法之臣當如是也諸路鹽稅之不必

各備九等如諸路田稅之不必各備九等斯易知也

稅一兩不列于表中

高麗鹽法論附見

高麗建國則有鹽稅其制散佚史無可攷至忠烈王十四

年元世祖至元二始遣使諸道推鹽

先是忠烈王七年以京城飢民菜食無鹽限九月蠲鹽

稅先是忠烈王五年遣使諸道更至十八年分遣鹽

稅別監于三南路稅二十二年又遣鹽二十二年中贊洪

子蕃上書曰鹽之有稅已有定額今於州縣強行科斂

誠宜禁之○臣謹按高麗開國至是三百七十一年矣

自太祖元年戊寅至忠烈戊子既有鹽稅以補國用猝行推鹽之令可

乎推鹽者人主而奪商賈之業必不可效者也

至忠宣王元年始定納布買鹽之法

忠烈王末年忠宣王卽位教曰鹽稅自古天下公用令諸官院寺社與勢要之家皆爭據執不納其稅國用不足胥司窮推除罷○忠宣王元年傳旨曰古者權鹽之法所以備國用也本國諸官院寺社及權勢之家私置鹽盆以專其利國用何由可贍今將內庫常積倉都鹽院安國社及諸官院內外寺社所有鹽盆盡行入官估價銀一斤六十四石銀一兩四石布一匹二石以此爲例令用鹽者皆赴義鹽倉和買郡縣人皆從本管官司納布受鹽若有私置鹽盆及私相貿易者嚴行治罪於

是始令郡縣發民爲鹽戶又令管置鹽倉民甚苦之楊
廣道鹽盆一百二十六鹽戶二百三十一慶尚道鹽盆
一百七十四鹽戶一百九十五全羅道鹽盆一百二十
六鹽戶二百二十平壤道鹽盆九十八鹽戶一百二十
二江陵道鹽盆四十三鹽戶七十五西海道鹽盆鹽戶
並四十九諸道鹽價布歲入四萬匹○臣論曰鹽者下
民之恆糧其爲切須與五穀等雖有五穀無鹽則民不
能吞之故凶年百物皆賤唯鹽益貴蓋以草蔬雜物非
鹽則尤無以下咽也其爲下民之所切須如此而官推
之可乎推鹽與推五穀等三代以上無此法漢武帝納

孔僅之言蹈吳濞之跡爲此厲虐之政歷魏晉六朝隋
唐宋元以至明清終莫之改革爲其利大而吝之也吾
東只有海鹽無井鹽地鹽然三面環海鹽地最廣其立
法收稅宜次田野顧人文未闢聖王未作豪桀私擅地
利宮院憑依故常民割其榮國失其入忠烈忠宣欲杜
私以強公斂福以錫民亦王者之舉動也胡乃以摧鹽
之法認爲先王之善政汲汲然倣行也夫鹽盆可算而
鹽戶不必算也但算鹽盆錄之王籍詢其饒瘠分爲九
等嚴定稅率歲收其課其有毀廢卽驗官吏剝割咸定
罪律使之懷保其或海水變遷土性隨渝不得不毀廢

者卽於他浦責立其代懷保鹽戶俾得成立而毀廢之
罪官實當之則鹽法於是乎經久矣區區摧鹽之政豈
足以效顰哉

至忠肅王時鹽法大壞民輸其布官不給鹽

忠肅王五年教曰大尉王浚慮朝聘之需不給以諸道
鹽盆悉屬民部平價給鹽以利公私今鹽場官先徵價
布鹽不及民者十常八九其考未受鹽者悉給之○八
年民部以京中四鹽鋪所賣鹽皆歸權勢親故不及疏
賤榜曰非受本部牒者不得賣○十二年教曰各處鹽
戶人有定數貢有定額近年以來鹽戶日損貢數仍存

內外管鹽官不行察體以逋戶貢鹽加徵貢戶以充本數民甚苦之如有逋逃者所在官司推還本役其有未得跟尋与夫故沒無後者並除貢數諸倉貢民亦依此例○後八年監察司榜曰鹽鋪之設本爲和賣惠及貧民近者各鋪之吏不畏公法唯務徇私至使鰥寡孤獨不得貿易淡爲未便今後和賣者體察究理○臣論曰漢武推鹽之時縣官作鹽苦惡價貴強令民買之故御史大夫卜式言其不便見上然此時猶官受其價故民得買鹽而去高麗之法受布給鹽付之氓戶其竟無逋欠乎若使買鹽之人納布於縣官受帖付之於鹽戶以

受其鹽則豈有是哉。嗟戶多貧氓又浮浪錢布入手自然消滅罪重而逃害及鄰竈卽必然之理民不受鹽國亦零布事之孟浪疇有甚焉。然臣竊思之鹽戶損除宜無此理。鹽者吾人之恆糧價雖極貴不得不買其情如此故業者不絕此自然之勢也。連戶旣多鹽則刁騰代立新戶何至永除此蓋摧鹽之政苛陋已甚故民不樂赴也。今之均役之法比之麗制誠堯舜禹湯也哉。下逮恭愍之世鹽鐵監官分遣諸路羣臣諫之不聽先是忠惠王元年置五道鹽場別監尋罷之。○恭愍王五年教曰鹽戶因倭寇莫輸其貢官未給鹽民徒納布

爲害尤甚自今年七月至明年七月其鹽稅布三分減
一〇六年分遣諸道鹽鐵別監右諫議李樞起居舍人
田祿生右司諫李寶林左司諫鄭樞等上書曰今特遣
別監以鹽鐵爲名民聽必駭吏緣爲奸弊生百端別監
必欲多得稅布因而要寵民不受鹽無異平日若令存
撫按廉行之民以爲常不至驚駭持以歲月課其功緒
民不敢違必有成效况永陵之時凡所聚斂無所不爲
獨於鹽鐵別監一試之而不復議今議及於此恐爲大
累王召宰相臺省問利害左諫議南兢獨曰遣之使左
侍中廉悌臣亦言鹽鐵使業已定矣不可改也王從之

天地噓
翕之氣
是大眼
目看破

○臣論曰衰亡之世財必先竭冒沒求益如餓者求沾
無益於竭而國隨以亡此千古一轍於是憂世之臣咸
求厥故或曰奢侈亡度財所以竭或曰隱漏多穴財所
以竭或咎於紀綱或咎於冗費臣則曰天地噓翕氣液
羸縮萬物以之而消息方其翕時雖才聖盡智無以致
殷富恭愍之時天地之方翕也雖鹽鐵監官分道四出
其有利乎漢武之時天地未翕故鹽鐵之政得補國用
不可效此而爲之也
九年教曰百姓勞於兵革困於飢饉其除各道鹽稅○
十一年令自諸君宰樞至成衆愛馬各納布一匹給鹽

是年密直提學白文寶上劄曰忠宣王時所定鹽戶因
散亡元額日減朔鹽不足然民間朔布則一依前例收
納故鹽沒布在吏緣爲奸民雖納布而未受一升之稅
今後以鹽多寡准布之數均給以此爲式○十二年教
曰鹽法之設本以裕國便民法久弊生反爲民患宜令
各道存撫按廉使取勘鹽戶見數給鹽方許納布○十
九年門下府啓曰推鹽之法尚矣是以先王置鹽倉於
濱海之州乃令濱陸之民納稅和賣以通上下之利近
者法久弊生納稅而未受者或至十年民無所賴私販
遽興非先王之本意也請自今令鹽戶安其所業又使

守令償民所納仍禁私販王從之

辛禡元年以州縣屢倭亂蠲免鹽稅全

羅道限五年楊廣慶尚道限三年

臣論曰鹽法之善莫過於今之均

役歷考中國勝國之制皆不便矣

至恭讓之世議擅鹽鐵之利事竟不行

恭讓王二年都堂啓曰東西兩界接連上國且值水旱

請減鹽稅從之○三年都堂啓曰鹽鐵國課之大者本

朝鐵冶人皆私之而官未立法空置冶官鐵戶一如鹽

法以資國用上從之然事竟不行○臣論曰鹽者下民

之恆糧官擁其利民受其毒必不可議若夫金銀銅鐵

山澤之寶上失其權則府庫空虛下擅其利則奸盜並

興故殷周之制亦置圻人設爲厲禁俾民毋犯斯則官
設圻冶鼓鑄爲幣以絕民奸以補國用無可疑也衰亡
之世胡能有爲其寢格也宜矣

經世遺表卷之

均役事目追議○船稅

諸道船隻大小皆以尺量

尺樣圖見下

十尺為一巴

案東俗以伸臂一庹

謂之把相混今改作把

三尺以上雖未滿五尺亦稱半巴

二尺九寸以下勿計○八尺以上雖未滿十尺亦稱一

巴七尺九寸以下勿計○量船有不中程式弄奸減巴

者該守令從重論罪船主監吏嚴刑遠配○監營以時

抽柱摘奸報于本廳

船隻有賣買者有移徙者有僱賃者

本云賣買今賣者改之曰僱賃

移者時居邑案移錄

如戶口之移居者

賃者仍錄於船主之本

邑

其所受掌標則隨船移于賃者

兩邑互相文移明其去來一以免疊

稅之患一以杜漏稅之弊

凡船隻土稅商稅之外

地土稅行商稅

該道該邑如有科外橫

斂則道帥臣守令從輕重論罪

船隻有破失有新造有改造而改造有昔大而今小者

有昔小而今大者其破者造者隨卽告官官隨卽摘奸

尺量枚報監司監司轉報本廳○京江則船主直告本

廳自本廳傳令於當該別將使之摘奸尺量以報○船

主不以實告者船主及監考嚴刑邊配本船屬公○臣

活畫

王者之法

謹按尺量之法行不得也。船泊浦口，民來訴庭官，其肯一一往量之乎？年年點船，官不躬行，遣吏為監，以賂上下。雖或躬點，未嘗致察。一巴二巴，高唱告準，將何益矣？空著為式。凡海內之船，分為上中下三等。三等之內，各具九等。井等二十如十二律以製十二鍾。長廣崇庠各有定率。此率之外，不得任自增減。大有小率船既成，刻其等第。顯于船艙，則民不得詐。吏不得奸，而稅率易定矣。時遣均役之郎，暗行摘奸，於是乎無罔矣。船隻逢風致敗者，地方官牒報本廳及監司。○只有船人來訴，而地方官終不報來，或只憑船人之訴，不行摘

奸汎然論報者論罪

有土稅商稅掌標者本年之內周行八道毋得更侵更
侵者船主訴本廳道帥臣守令邊將施以賊污之律○
船隻無土商掌標者船隻及所載物貨屬公船主嚴刑
邊配摘發告官者以其屬公之物三分一賞之○嶺南
船則雖有土稅掌標若無商稅掌標其行商者亦以無
掌標論○每歲末預頒明年掌標於諸邑當季納稅後
使之出給其舊標還收上于監司轉報本廳以備考驗
○掌標分給若有餘者與舊標一時上送○魚鹽藿各
項掌標並同此例

船隻上板刺某邑某人某等幾巴船○定稅之日自該
邑造均字烙印印於各字下以防隱漏之弊○無刻字
烙印而行商者其船隻屬公地方官舉行船主嚴刑定配○
新造船呈狀本官定其等第錄于船案刻字烙印並如
例

京畿○船分五等曰大船長六巴曰中船五巴曰小船

三巴半曰幺船二巴半至二巴本云小小船曰小艇一巴半以下○

凡船有土稅有商稅兩稅有分徵者有通徵者京畿則

通徵大船多者錢二十五兩等而下之少中船十五兩

少者其不能行商者七八兩小船十兩少者六其不能

行商者四五兩么船五兩少者二小艇二兩或一兩或止半兩

○唐船

俗名唐刀里

其大者稅錢二十兩中船十五兩小船

十兩

或八兩

○京江船稱兩南土船屬宣惠廟者

有該邑造者有

自造漕運之外不無私利稅錢十二兩○松都柴船大

者稅五兩中船三兩小船二兩○江華私汲船稅一兩

有半○江華別庫船五十隻並免稅諸鎮待變船亦免

稅○京軍門柴炭船

名曰戰器船

免稅

○驪州水站船免稅

即江漕之船

○司饗院漁夫船一百十隻屬之本廳毋論大

小每船收稅十五兩

合錢代一千六百五十

○臣謹案我

東船制有萬不同有狹而長者有闊而短者有大而淺

者有小而濇者。又凡任載之具。無論船與車馬。所用在力。不在於體。有體小而力能任重者。有體大而力不勝任者。者又船有疾捷者。遲鈍者。今但以其長之幾尺。定其稅率。原未中理。況諸船分等之法。道各不同。或分三等。或分五等。或分六等。或分九等。或分十等。此道之大船。在彼。不過爲中船。彼道之小船。在此。優可爲大船。制法如此。未有能平物情者也。令人謂漢武之時。始算舟車。然舟。鮫之守。見於春秋。車輦之數。領於鄉遂。此先古之法。非自漢始也。我邦三面環海。海租船稅。理應資國。而當時議事之臣。每以魚鹽船稅。認作羞恥之事。草草彌縫。無

所會通。苟循諸邑之本例。以追一時之浮議。故其不均如是也。今宜改定其法。大船分之爲九等。小船分之爲九等。小艇分之爲三等。或云江船海船制樣絕殊。八路江船一種。宜別爲九等。公私之船。一以其任載多寡。別其品級。能載幾石者。不待官閤。民亦自知爲某等。旣中某等。民又自知其稅率。時察其情。與其土俗。上下其率。無遠舊例。則一王之法。於是乎大正矣。○大船九等者。能載米千石者爲一等。米一十石。雖過千石。無加焉。九百石爲二等。八百石爲三等。七百石爲四等。六百石爲五等。五百石爲六等。四百石爲七等。三百石爲八等。二百石爲九等。其船之或

長或短或闊或狹或深或淺勿問焉唯其所載是詢焉
是試焉是聽其公議焉庶乎其無錯矣其力之或過不
及者以半爲果自半以上上附焉二百五十一石以上屬之八等也皆依此
自半以下下附焉四百五十石以下屬之七等也皆依此○小船九等者
能載米一百八十石爲一等一百六十石爲二等一百
四十石爲三等一百二十石爲四等百石爲五等八十
石爲六等六十石爲七等四十石爲八等二十石爲九
等其過不及者以半爲果上附下附例如上○小艇三等
者能載米六石者爲上等四石爲中等二石爲下等
漁艇酒艇皆準此其過不及者以半爲果上附下附不能二石者亦爲下

等○若其稅率小艇差之以三十小船差之以半兩大
船差之以五兩○小艇下等其稅九錢中等一兩二錢
上第一兩有半○小船九等其稅二兩八等二兩有半
七等三兩六等三兩有半五等四兩四等四兩有半三
等五兩二等五兩有半一等六兩○大船九等其稅十
兩八等十五兩七等二十兩六等二十五兩五等三十
兩四等三十五兩三等四十兩二等四十五兩一等五十
兩○土稅商稅者諸路諸邑之舊法也○諸邑之官壓臨
其船其行商出入可以詳知故每一行商輒一征稅土
稅以立其本總商稅以收其活利今八路之船皆隸京

司則土稅商稅不必分之爲二名。唯春秋分徵可紓民
力。凡收船稅。宜以春分秋分之日爲官納之期。均役
事。目船稅多者。極不過三十兩。今大船之一二三等多
至於四五十兩者。大船多有免稅者。漕船免稅。京江之
稱土船者。亦以漕運之故。特寬其稅。文見上其餘私船所
謂大船。不過八巴六巴之類。湖湖南以六巴爲一等故其
稅如此。今旣以通國之大船束之爲九等。則漕船上船
之絕大者。不得不錄之爲高等。旣錄高等。不得不駕之
以高稅。然多係虛名。不必實納。若其不干漕運。私自行
商者。五貫之稅。猶爲大輕。中國以千今外營之船視漕

錢爲一貫

船絕小者一季徵稅或至十貫即百五貫何足道哉若

舊額不可增則宜以三十三兩為一等每等差以二兩

二等三十兩三等二十七兩四等二十四兩五等二十

一兩六等十八兩七等十五兩八等十二兩九等九兩亦無不可

空其免稅而京江土船之輸漕者既厚其雇船價每米

升五便是私商如之何其減稅也雇自雇也稅自稅也

恐不必然○今以此法頒于諸路其或有別般事情難

責恆率者聽于道臣或於恆率減其四四分而一損一或於

恆率減其半截每以恆率先立其本乃以特蠲許紓其

力則一王之法制大正而庶民之情願亦伸矣○或曰

一葉漁艇低回葦柳之間瓜皮革履不足備數而亦皆

冒之以稅率。豈非桑大夫之遺法乎。臣謂此言似仁而不仁也。臣居水邊。習知之矣。漁艇酒艇。歲算之錢。幾乎萬葉。但有得失。不可常也。然萬而稅百。不是濫取。今小民業田者。其一稜一畸。歲得粟數十斗者。亦皆出其什五。以輸田主。又以數斗上應王稅。獨不足恤乎。何仁於漁而忍於農乎。先王之法。六畜車輦。咸算不遺。漁艇雖小。其大於車則遠矣。胡獨漏矣。今江上小艇皆無掌標

海西○船分五等。與京畿同。其已數大船稅錢二十兩。土稅八商稅。中船十五兩。土六而其有利者。加商稅。黃州長十二商稅。小船十兩。土四而其有利者。加商稅。龍媒信川載十四商稅。小船十兩。土四而其有利者。加商稅。寧等商稅十

兩么船六兩商土二而利少者減商稅或收三兩小艇三

兩或二兩○追捕船免稅唐即追捕進上船減稅大船視

中船之稅中船中船視小船小船視么船○臣謹按商利

厚薄非公家之所能察諸路均稅之臣設有所論而廊

廟之上奉教撰書頒諸八方以示萬民乃曰有利者

加商稅少利者減商稅豈不謬哉商之利市或得或失

人有智愚時有通塞利以之興敗豈公家之所宜言乎

稅率唯當視船之大小爾

湖西○船分十等一等長八巴二等七巴三等七巴四等

六巴五等六巴六等五巴七等五巴八等四巴九等四巴

者十等半四巴之外又有么船半二巴也船也讀之為俗字

○土稅商稅亦通徵焉一等二等其差五兩三十五兩二

三等四等其差二兩二十八兩五等六等其差二兩一十六

四等七等八等其差三兩十八兩一兩九等十等其差二兩五

三么船之稅不過一兩廣船之稅止於三兩廣船疑是

也舟看水之船其稅一兩即小漁艇柴船分為三等其稅

有差即三兩二兩一兩貢鯨船護漕船水營校船安興鎮

待變船並免稅亦山城待變船○臣謹按大船之稅差以

五兩小船之稅差以二兩可也七等八等忽差三兩抑

何故也既自五兩等一二降至二兩三五六等忽又三兩七八

等復降二兩九十左右思索莫知其理惜乎總裁之臣不復裁整唯本道之謬是沿是襲也

湖南○船分九等其土稅約之為三等大船六兩六巴半以上

中船四兩四巴半至六巴半小船二兩二巴半至四巴半其商稅別之以九

等大者三等其差五兩十一等三兩三十四等二兩中者三

等其差三錯十一等二兩三十一等三兩小者三等其差半折

一等三兩二兩二兩船之稅以下土稅一兩商稅二兩

○凡土稅商稅皆半分之春秋分納春秋納限四月○臣

謹按制法不便厥有三端一曰備等二曰多名三曰乖

率何謂備等臣謂八路同係一王一王之法宜以一

可誦可
讀
制法者
心精算
明乃可
制法

例束之。王設九等。大小各九等以待萬殊。萬殊湊至。
照茲王法。各尋厥伍。咸受鈴束。此王者之政也。一路都
無大船者。不必備高等。一路都無中船者。不必備中等。
通觀一國。諸等悉備。并二十分檢各路。或缺高等。而既
與同等。則冒之以一率。使八路船舶會于一處。相問相
檢。莫不均平。不亦善乎。今也不然。湖西十等。湖南九等。
必於一道之內。備設諸級。自作一國。豈不疏哉。諸路之
船。會于列口。相與問答。曰。子船越大。而稅率頓卑。我船
差小。而稅率此高。子云一等。何比我三等。我云九等。胡
比汝六等。疑詆以興。民志不服。臣以為不便也。何謂多

名。臣謂土稅商稅其徵於船則一也多其名而徵之民
不以爲德合其名而徵之民不以爲貪臣每謂田稅大
同。三手米雜色米亦不必多設名目。見田制况於船稅乎
况舟車爲物同於室屋行於江海有同田地從而征之
其征有名若夫行商者民庶之所自爲也官未嘗給本
錢矣亦未嘗授物貨矣何爲征之田有田稅其名實正
若於田稅之外又徵耕芸之稅此其不怨乎船夫之行
商猶田夫之作農彼無作農之稅此有行商之稅亦不
均矣。臣故曰亟去商稅之名唯存船稅一名可矣何謂
永率。臣謂八巴六巴本不足以定船之大小唯載米幾

石席云近情義見前假如長三巴者載米六石則長四巴者似載八石而高廣深闊與長俱進船中所函不啻倍差斗材長廣不能十倍其理與此同升材等而上之所差彌遠此而函受十倍其理與此同皆然之差本今自二巴三巴上至七巴八巴差法皆同其不中情理無待復言况其兩錯三錯之率尤無義理總之船樣有萬不同無以比例唯載米幾石席為近之臣所謂乖率者此也

嶺南○船有三種一曰柁船謂有舷之船二曰桶船即無舷之船形如馬

槽三曰櫓船本名農土船往來於江海之交者柁船上稅一巴一兩起於三巴三十尺每增半巴加稅半兩五巴則五兩五桶船五巴則五兩半桶船

之稅上視三船每減半兩

同是三巴則三槽船之

稅上視桶船每減半兩

同是三巴則三槽船之

三船小者其稅五兩

三巴其體稍大每視土稅倍輸其

錢

三巴以上也三巴半土稅為三兩

其體絕小免其商

稅

唯青魚之時自產桶船無商稅

販魚之時亦槽船行

商則其稅如土稅

臣謹按嶺南船稅之率其比例益

精

差之以三

其乖率益遠

每差半兩不

大船何倖如彼

小船胡冤如此舩工老鍊者必啞然其笑矣以舷為

則天下之船皆三船也以有桶船故別名三船非矣空

改之曰大船小船與畿湖同

三船之外。又有三種。一曰廣船。所江行之三曰挾船。之柁船

船。三曰漁艇。廣船分為六等。大者稅六兩。以上十六巴次者

五兩。十五巴至中者四兩。十二巴至次者三兩。九巴至小

者二兩。六巴至者一兩。三巴以下者挾船無論大小其稅

一兩。漁艇大者一兩。三巴以上者小者半兩。二巴以下者○統營

採鰕船。進上左右沿漕船。所漕倉之赫山倉運鹽船。備局

造牧場運藁船。在晉龍塘江漁艇。所監營之並免稅。○左

兵營採鰕船。在蔚不許免稅。其數甚多。○臣謹按廣船

之長有至十六巴者。亦大船也。名曰廣船。不知何義。空

亦改稱曰江船也。

關東○杉船桶船並如嶺南法行於東海者水上船与杉船同

○臣謹按水上船者洌水之船也唯原州春川狼川洪川楊口等數邑有之理宜与京畿忠州之船同其稅率乃与嶺南嶺東行海之船比其稅率豈不謬哉一水之沿同汎之船此稅如此彼稅如彼抑何義也均役事目者草創之法不可不修潤也

關北○船有三種一曰杉船其稅十兩其可大小率相近二曰

麻腥其稅八兩尚本云麻三曰耳船其稅五兩皆行於其

小者二兩○北道之船以摩天嶺減其稅率蓋以清差支

供魚菜諸物收之於諸船故特減其稅○南北兵營素

無財用船稅錢三百兩屬之北營城在鏡二百兩屬之南

營青在北北營則換布以給之每錢二兩○點船修成冊

報均役廳折半上納折半留屬本營○臣謹按本營云

者咸鏡道監營也

關西○原編無所論○臣謹按渭西之船非東北海之比

西通渤海南臨絕壤黃州至渭水陸水能成涪水

在成小船大船會于平壤五綱如竹帆檣簇立如之何

其不論也渭西賦稅皆歸事大之用魚鹽船稅亦皆收

留本地以供其用然王者立制空通執一國明其出

入今以不輸京司之故並不提舉豈不疎哉

總論

事目云、諸道船隻鹽盆漁地藿田、或有隱漏、因事現發、守令勘以田結隱漏之律、監吏及本生嚴刑邊配。○漁地漁筭、或不幸而無魚、以之失利者、地方官摘奸減稅、巡營發遣徧裨、摘奸許減、如有瞞報者、狀聞論罪。○臣謹按、監司不信守令、乃遣徧裨待守令、如盜賊恃徧裨爲腹心、守令其堪乎、有魚無魚、縣官尚亦難知、徧裨猝來、何以知之、但見烟水淼茫、一碧千頃而已。制法如此、亦行不得而已矣。○漁地隱漏、可勝言哉、每十二季一遣均役、卽暗行于漁地、斯可以發其隱也。

事目云諸營邑鎮若於本廳定稅之外私有橫斂者論曰
賊律稱以貿易廉價勒取者亦如之御史廉問一切勘
律○漁鹽船稅條例甚多巡營戶房軍官戶房營吏另
加句管以防滲漏○臣謹按魚鹽諸場皆在窮海之濱
絕島之中御史何以盡察營稗營吏何以句管皆贅語
也○必遣均役郎乃可發也

魚鹽船稅上納之日有些雜費每錢一兩其後錢五分
京畿則去京不遠其後錢三分○京司雜費每錢百兩
加徵一兩○上納時馱價依結米條事目舉行結米事目云米
條船馬價計減於元數中○錢條馱價每三十里五分
三百里則五兩六百里則十兩六百里以上每百里馱

凡制法
宜存此大
戒

價二兩假如九百里則一駄之價爲十六兩○臣謹按後錢雜費者本廳員役之所賴也王稅雖重民肯出之曰是唯吾君之所用也後錢雜費其誰肯之空執諸路稅入之總數而度京司員役之所須員役者書吏等增其稅率以防此費而後錢雜費之贅疣添出者廓然掃清不亦善乎王者之法宜嚴肅正大天成鐵鑄無多少瘡疣民乃服焉今於原額之上別添贅附之物曰予吏有勞爾其念之幸加一文俾予無費予倉有官不能無餼幸加三文俾予無損其體面苟且其辭令瑣屑斷斷非天子諸侯之所宜爲者也惜乎議事之初何不念及於此況法如鐵城摩

之無礙。然後吏不能容手。若於皮膚有可以抓起處。則百巧層生。衆竇交穿。終至於無藝。無厭。後錢雜費者。吏奸之所以起也。胡不念之。○今空摠執八路之稅案。改修其律。每一縣之末。書之曰。上納錢一千兩內。假令百兩除留本縣半。供縣令半。贍監吏。又曰。上京駈價原數中除減。乃得其至其上納之後。以其所受酬。厥雜費。京司之所頒。厥吏餼。繼厥官俸。派分百司。以之給代。一句瑣屑之聲。不復宣之於遐外之小民。則國體尊而吏奸無所傳矣。

事目云。每式年一改稅案。前一季冬初。自各談道監督

定差員點檢船隻。依式尺量烙印鹽盆、藿田、漁筭、漁隧之屬。亦詳察陳起。○監司以本廳所頒稅案式例分送列邑。列邑依式修正稅案二件。其一件留邑。其一件上于監營。○監營取諸邑稅案合作本道稅案二件。其一件留營。其一件上于本廳。○磨勘限式年二月。○臣謹按差員點船之法。今亦寢廢。今唯地方官點船亦委任下吏。不詳檢也。法本雜亂。無以經久而不壞也。

船廠論曰、昔者聖人之馭世也、曰車同軌、夫大車小車、其兩軌之間、或闊或狹、何害焉、必使之毫髮不差、使四海之內、其轍跡之交於道者、咸歸一率也、噫、大車有率、小車有率、其率既同、其兩軌之間、不得不同、卽自然之理、非聖人強爲之裁定也、鳧氏爲鍾、其銑舞鉦鼓之間、各有恆率、黃鍾之鍾、與無射之鍾、雖其大小不同、而其比例之差、無不同者、磬人爲磬、其倨句鼓股之長、各有恆率、大呂之磬、與應鍾之磬、雖其大小不同、而其比例之差、無不同者、此十二律之所以作、而凡天下之以器用爲名者、咸冒此法、令毋敢亂雜、唯意此其所以爲聖

人之制作也。豈唯是也。人身骨節及禽獸之骨節其臂
臑膊胛之大小長短皆有比例。則造化之理亦本然矣。
故考工記論造車之法曰。車有六等之數。兵車之輪六
尺有六寸。田車之輪六尺有三寸。於是六分其輪崇以
其一爲之牙圍。參分其牙圍而漆其二。又曰。五分其轂之
長去一以爲賢。大穿也去三以爲軹。參分其轂長二在外
一在內。以置其輻。參分其股圍去一以爲骹圍。又曰。參
分車廣去一以爲隧。參分其隧一在前二在後。以揉其
式。以其廣之半爲之式崇。以其隧之半爲之較崇。六分
其廣以一爲之軫圍。參分軾圍去一以爲式圍。參分式

圍去一以爲較圍參分較圍去一以爲軹圍參分軹圍
去一以爲輶圍凡此諸文不著尺寸直云參分去一或
云以其半爲之者卽所以該大小而一其率此今所謂
比例之差而車之所以莫不同軌凡以是也車旣然矣
舟何爲獨不然矣聖人作舟車以濟不通重車而略於
舟無是理也我邦三面環海而淶水薩水泃水潞水帶
水洌水泗水泚水滌水潯水爲之緯焉大船小船
船之行於江海之中者以千萬數凡穀粟魚鹽材木柴
炭之等咸以船運而國且無車無游牝騰駒之俗凡日
用百物之轉運非船則擔二法已矣其需於船若是其

奇文奇
語一氣
呵成

專且切矣。顧國中之船，或大或小，或長或短，或狹而長，或闊而短，或大而淺，或小而深，千態百狀，無一同者。於是造船而浮之，水以試美惡。甲船雖大而不能任重，乙船雖小而不能慢走，丙船忌風搖蕩，己甚。丁船喫水沈墊，在卽萬一之倖，偶有一船任重而慢走，能風而拒水，則觀者歎嗟，賀其善成。相与名之曰倖船。而直人又顧之，他則又隨所爲而爲之。爲甲爲乙爲丙爲丁，而昔之所謂倖船者，今不可復見矣。其何如而爲任重何如而爲慢走何如而爲能風拒水，蓋茫然不知其所以然矣。若是者何也？其比例之差，本無常法，故也。空命冬官之

臣就露梁之上建一大屋名之曰船廠乃於穴口海中
執一倖船名梓匠之善者度其長短度其闊狹度其崇
庳曰底曰舷曰艚曰艫其或豐或綢或弇或柞咸出度
數求其比例於是記之為法如考工記之文曰舷闊幾
尺參分其舷闊以其一為之底假令參分其艚闊去一
以為艫假令參分艫崇以其一為樓版之崇假令參分
艫崇去一以為舵崇假令於是按其法而為之船則天
下之船皆倖船而復有不善者乎於是為之法曰大船
九等小船九等扁舟也三等今艇三等即漁艇大船
一等准載米千石十五斗二等九百石差而降之下至

九等准載米二百石小船一等准載米一百八十石每

差千石以二等一百六十石差而降之下至九等准載米

二十石船一等准載人九十名主於漁人故二等六十名三

等三十名船一等准載米六石二等四石三等二石

見上於是爲之法曰匠人造船有敢於兩九等兩三等

之外以其私闊狹違其尺寸乖其率例者投配濟州或

全徙廢四郡永不赦還仍於船額刻匠人姓名及修造

年月及大小第幾等報知平賦司今之均役廳照授掌標編

錄典艦司俾修船案於是乎放之許其使用則不出十

年國中之船皆同舷如車之同軌矣臣又思之松禁之

無實也久矣。吾東宜松。凡宮室棺槨舟船之材咸以松充而封山姑舍。凡沿海三十里之地悉禁伐松。然其方禁之地亦無不起宮室治棺槨造舟船則禁之而不之止可知耳。禁必犯之物閉必穿之竇吏緣爲奸民乃玩法非馭世之長策也。安眠之松厲禁嚴矣。然沿安眠之海數十餘邑其宮室棺槨舟船之材無一而非安眠之松也。莞島之松厲禁嚴矣。然沿莞島之海數十餘邑其宮室棺槨舟船之材無一而非莞島之松也。凡諸山諸島之松其設爲厲禁無一不嚴而其究竟不禁無一不然。然則其禁之也宜有以小開其竇而嚴立厥限令可

以施行焉可也。長山浦建一船廠。喬桐府建一船廠。安
眠島建一廠。邊山建一廠。莞島建一廠。折今島建一廠。
南海縣建一廠。巨濟府建一廠。統制營建一廠。諸路水
軍節度之營各建一廠。丹陽郡建一廠。春川府建一廠。
二冽源之薩湔能浯。猪帶泗泚。滌潺潢。濫諸水之源。多松
之地。各建一廠。於是召集匠戶。使居廠屋之旁。令凡欲
造舟之人。或造或修。咸於是造焉。有敢於私處匿造者。
用私鑄錢律。直斷無赦。則不出十季。國中之船無一而
不車同軌矣。凡封山之松。每式季計其株連抱者爲一
等。合抱者爲一等。半抱者爲一等。每十二季陞其等。於

其連抱之中封其美理者爲黃腸以其餘按錄發賣新升者百株則伐百株新升者二百株則伐二百株俾之以造船凡風落之松卽令斬截俾之以造船小遲則凡黃腸兩端之截去者咸付船廠俾之以造船今皆火凡私山之松亦放斯例美者錄之每造公船給價而用之其連抱而未美者許其私賣而受其升者自合抱而咸輸于船廠俾之以造船凡穉松之所伐者罰十鍰半抱者八鍰合抱者六鍰連抱者四鍰唯沒其貨半抱以上而皆屬公罰輕於穉使民知穉松之不可犯則松不可勝用矣此先王之法非今之所創言也禽獸之爲物也一脫之不

必其復獲也。然且不腐不死，以待其老成。數畧不入滄池亦此義
況樹木者植立而不遷，以待人伐其可夭之乎哉？王制
曰：木不中伐，不粥於市，此之謂也。松、斧、征、匠、有賦，船、斧
稅，稅有率，咸中情理，渾若天成。國法於是乎存文矣。若
夫國用之有小補，非敢戀也。

均役廳量船尺

十尺爲一已

戰船使用議附

正宗大王下教曰漕轉之政兼寓戎務自昔周官之制以至漢唐宋明漕船卽戰船此亦兵農相寓之一端嚴飭造船營閫邑鎮先以堅造精製將欲兼運漕穀使三道帥臣知之列聖御製

又丙辰傳教曰戰艦之緊重果何如而反不若漕船之便於使用此蓋營閫不能管檢照察邑鎮亦不盡心精造而然者其爲駭然孰甚於此古則漕船皆用戰船寶鑑所載望遠亭試閱之故事可驗幸來廟堂雖有關飭未知其必食其效既往付之昧爽自今新造之船別般

嚴飭錄其年條別作一案藏于備局及戶惠廳輪回試
運漕轉米穀及諸般公物之木道使用者而萬一船格
不習於水利方言能櫓者謂之格軍船制不捷於洋中則不勤監
造之守令邊將勘以師律道帥臣繩之重典行之有年
無弊而有效則漕船不當如數改造至於漕軍便否卽
節目間事從長歸一便宜之策稟旨○臣議曰漕船修
改工費鉅萬戰船亦然故聖教欲用戰船以省漕船
之費也然臣區區之愚以爲漕船工費特其餘事耳戰
船者陰雨之備干城之恃三面環海之國其所需之重
何如也顧乃修造之日遂閣泥沙經季閱歲不復運動

風磨雨洗無所庇覆。膠固釘著。遂爲死物。或於數十年中。偶行水操。將欲以船而離地。則大砲震天。巨絳組地。千人呼邪。巍然不動。及其小移也。則艙縫坼裂。而水涌如泉。舷板震傷。而釘落如雨。修之補之。出于汙港之外。則桅檣露將絕之痕。篙櫓有必觸之刺。纜絳乍引而朽斷。不禁帆慢欲張。而維絡多缺。鎗銼雖具。而笨刷未備。瓶罌都闕。而料屑徒存。冷落齟齬。絕無相習之安排。徘徊泳游。暫成可笑之歡。苟塞一日之責。又至數紀之遠。臣未知此何物事也。一朝海寇乘風。島砦失守。則雖楊僕登樓。馬援扣舷。臣恐一片之木。無可以駕海逐潮者也。

臣聞流水不腐戶樞不蠹必於平日使用無休使船与水手相習相熟而後緩急庶有所用不此爲念因循依舊則倉猝狼狽必有悔恨之日矣其使用之術不唯公漕是運私漕私販無有不許一如民船之行商者而冒之以薄稅以補修造之費則藩檣有所禦而經用有攸省矣豈不善哉聖諭如此而廊廟之臣不以實心對揚藩臬之臣務以浮辭遮阻遂至今日格而不行可勝歎哉天下萬國皆有水戰而別號大船名之曰戰船閣于泥沙之上振古不動此誠古今書籍之所未覩也作天下所無之物以自膠守曰吾東之俗不得不如此

豈不惑哉

全羅右水使李民秀狀啓曰。天下之物。動則不壞。靜則不羣。此物之理也。流水不腐。戶樞不蠹。豈非古人之至言乎。今戰船兵船。造成之初。則閣于泥沙。終古不動。或當習操之日。千人呼邪。僅移數步。大砲震激。乃浮水面。如是也。故筋脈解緩。首尾不應。倉卒彌縫。架漏牽補。數里沿洄。半日而止。苟幸此日之無事。不念他季之隱憂。其實若當有事之時。必取公私所用。漕船商船之平日運行者。乃可出戰。今之所謂戰船兵船。必將焚棄之。不暇何者。千病百痛。非咄嗟之所能藥也。當初戰船之設。必

在倭寇之後。當此之時。朝夕待變。如在目前。故嚴其法。制泊于信地。令不敢寸步移動。歲久成規。雖至承平之世。而此法不改。大凡爲國之計。貴在務實。不在虛文。況於武備乎。臣謂自臣營爲始。自今戰船兵船。許民使用。使之輸漕。使之行商。一如公私諸船。唯其所往之地。嚴立限舉。北不過京江。東不過昌原。西南不過紅衣楸子。如有越界者。直用軍律。每戰船所到之地。必於地方官。卽出公文。使知來泊。及其發還之日。亦出公文。使知還去。若於其間。或有警急。則該地方官。星火督發。俾還本營。如是定式。申嚴約束。則雖於中洋。或有風聞回還。信

地誰敢或後乎。況有警之日。東自蔚萊。西至固麻。必驛書飛傳。呼吸相通。苟使騎船之民。稍知軍法。出。不。易。方。則招呼還集。不過旬日間事。此不必深慮。自古寇盜之警。未嘗無豫兆。先聲。新羅。清海之受敵。高麗。海浪之爲患。皆非一朝而忽至者。雖以壬辰事言之。舉國。罄。罄。數。年之後。乃有壬辰。不可曰不虞也。況編伍之卒。不居於船。側甲兵之具。不載於船中。聚軍修械。動費旬月。旣聚旣修。乃可出戰。唯懼戰具之難辦。豈患船還之不亟。今汶港所閣之船。如欲聞變而修改。今可出戰。則須費數月。乃可訖功。而此船則還來之夕。便可出戰。左右思量。

其利害便否不可同日而論。戰船兵船之制。上有裝板。勿有銃穴。裝板則甲乙丙丁書其標號。藏於廠屋以待其用。銃穴則別爲牖板。以時開闔。則彼此兩用俱無所礙矣。民用公船自應有稅。雖其所斂輕於私船。計其歲入亦應不尠。造船改船經費必減。若吏若校。聊賴亦生。上可以少補國用。塞其糜潰。下可以沾惠軍民。救其貧殘。以臣愚見。實爲便宜。嘉慶丁丑冬○臣謹按戰船使用則必有船稅。故附錄于船稅之末。

林川郡守尹持範應旨疏曰

戊午湖西之舟師邑爲十

三。而本郡居其一焉。有防船二隻。兵船一隻。蓋其法新。造後三年一添木。又三年一改槳。又三年又添木。又三年又令新造。通計十二年間。三年役一番。若其會減。則防船一隻。新造米二十五石。添木改槳米各十五石。兵船新造米十石。添木改槳米各五石而已。至於入島伐木之費。人牛搬運之費。匠手之工錢。船格之衣糧。在新造至七八百緡。在添木改槳。則至五六百緡。而此則全無助劃之例。故每當船役之時。抄得境內之富民一人。名曰代將。而責成之一。經其任。輕者破家。甚者離鄉。今

年破一富家。明年失一富戶。厲民之政。孰大於此。臣竊
息之。蓋一紀之內。一隻防船。新造八百緡。添木二次。一
千二百緡。改槳一次。四百緡。以此通計。爲二千四百緡。
合三船計之。則爲七千二百緡。本郡兩稅。較數歲之中。
假令爲二千四百石。而計其船價。則田稅重而大同輕。
合輕重通計。則爲四百四十石。積十二年計之。則爲五
千二百八十石。零第以豐歉間米價折錢。而每石四兩。
則爲二萬一千一百二十緡。以此船價較彼兵防船十
二年所費。則所餘者爲一萬二千九百餘緡。雖有欠縮。
不失爲滿萬。以滿萬之數。酬其船什之雜費。除其船格。

之衣糧自有餘裕不特止此三船之應改應添應會減
自有一百六十五石之米斯可爲通共補用之資亦可
備風濤破傷之患臣謂以此三船載彼兩稅收其船價
則非但恰當似亦有餘矣且船之爲用空水不空陸而
戰船則不藏於水擡之於陸傷破之易職此之由裝稅
使用亦足爲不易傷之一道其敢曰萬一無弊而亦可
爲因仍變通之道也答曰船制經綸卽令廟堂与有
司之臣詳確黏啓稟處

經世遺表卷之

[illegible]

經世遺表卷之

100

